

**FRAMKVÆMDARREGLUGERÐ FRAMKVÆMDASTJÓRNARINNAR
(ESB) nr. 1114/2014****2015/EES/46/31****frá 21. október 2014****um breytingu á reglugerð (EB) nr. 2075/2005 um sértækar reglur um opinbert eftirlit
með tríkínu í kjöti (*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 854/2004 frá 29. apríl 2004 um sértækar reglur um skipulag opinbers eftirlits með afurðum úr dýraríkinu sem eru ætlaðar til manneldis ⁽¹⁾, einkum 8. til 11. lið 18. gr.,*og að teknu tilliti til eftirfarandi:*

- 1) Í reglugerð framkvæmdastjórnarinnar (EB) nr. 2075/2005 ⁽²⁾ er mælt fyrir um reglur um sýnatöku úr skrokkum af tegundum, sem eru næmar fyrir tríkínusmiti, til að ákvarða stöðu bóa og hólfra og skilyrði fyrir innflutningi á kjöti til Sambandsins. Þar er einnig kveðið á um tilvísunaraðferðir og jafngildar aðferðir til að greina tríkínu í sýnum úr skrokkum.
- 2) Með reglugerð (EB) nr. 2075/2005 er stykkjun skrokka af alisvínnum heimiluð við tiltekin skilyrði þar til niðurstöður liggja fyrir úr tríkínurannsókninni. Til að auðvelda rekstur stykkjunarstöðva ætti einnig að íhuga slíka heimild fyrir hesta við sömu skilyrði.
- 3) Með reglugerð framkvæmdastjórnarinnar (ESB) nr. 216/2014 ⁽³⁾ breyttust tilteknar undanþágur í reglugerð 2075/2005 að því er varðar sýnatöku úr alisvínnum vegna tríkínu. Með reglugerð (ESB) nr. 216/2014 breyttust einnig kröfur sem stjórnendur matvælafyrirtækja þurfa að uppfylla til að öðlast opinbera viðurkenningu á búum sem beita hýsingu við stýrð skilyrði. Eitt þessara skilyrða er að stjórnanda er einungis heimilt að koma með ný dýr á búið ef þau eru frá búum sem hafa einnig verið opinberlega viðurkennd sem bú sem beita hýsingu við stýrð skilyrði. Koma ætti skýrt fram hvaða skilyrði gilda þegar alisvín, önnur en þau sem eru ætluð beint til slátrunar, eru flutt frá einu búi til annars gegnum söfnunarstöðvar. Að auki ætti að aðlaga viðeigandi vottorð vegna viðskipta innan Sambandsins og innflutnings til þess að þessum breyttu kröfum.
- 4) Opinber dýralæknir ætti að láta upplýsingar um opinbera viðurkenningu á upprunabúi, sem beittir hýsingu við stýrð skilyrði, fylgja dýraheilbrigðisvottorðum, sem kveðið er á um í tilskipun ráðsins 64/432/EBE ⁽⁴⁾ að því er varðar viðskipti með svín innan Sambandsins og í reglugerð framkvæmdastjórnarinnar (ESB) nr. 206/2010 ⁽⁵⁾ að því er varðar innflutning til Sambandsins á alisvínnum frá þriðju löndum, til að gera aðildarríkjum kleift að beita viðeigandi fyrirkomulagi við tríkínuprófanir við slátrun og stofna ekki stöðu búsin, sem er ákvörðunarstaður svína til undaneldis eða framleiðslu, í hættu.
- 5) Til að tryggja rétta beitingu reglugerðar (EB) nr. 2075/2005 ætti að skrá þriðju lönd, sem flytja út alisvín eða kjöt af þeim, í viðeigandi gerðir um innflutningsskilyrði ef þau nota undanþágurnar varðandi sýnatöku úr alisvínnum vegna tríkínu og ef bú eða hólf eru opinberlega viðurkennd sem bú eða hólf sem beita hýsingu við stýrð skilyrði.

(*) Þessi ESB-gerð birtist í Stjtið. ESB L 302, 22.10.2014, bls. 46. Hennar var getið í ákvörðun sameiginlegu EES-nefndarinnar nr. 79/2015 frá 30. apríl 2015 um breytingu á I. viðauka (Heilbrigði dýra og plantna) við EES-samninginn, bíður birtingar.

⁽¹⁾ Stjtið. ESB L 139, 30.4.2004, bls. 206.

⁽²⁾ Reglugerð framkvæmdastjórnarinnar (EB) nr. 2075/2005 frá 5. desember 2005 um sértækar reglur um opinbert eftirlit með tríkínu í kjöti (Stjtið. ESB L 338, 22.12.2005, bls. 60).

⁽³⁾ Reglugerð framkvæmdastjórnarinnar (ESB) nr. 216/2014 frá 7. mars 2014 um breytingu á reglugerð (EB) nr. 2075/2005 um sértækar reglur um opinbert eftirlit með tríkínu í kjöti (Stjtið. ESB L 69, 8.3.2014, bls. 85).

⁽⁴⁾ Tilskipun ráðsins 64/432/EBE frá 26. júní 1964 um vanda á sviði heilbrigðis dýra sem hefur áhrif á viðskipti innan Bandalagsins með nautgripi og svín (Stjtið. EB 121, 29.7.1964, bls. 1977).

⁽⁵⁾ Reglugerð framkvæmdastjórnarinnar (ESB) nr. 206/2010 frá 12. mars 2010 um skrár yfir þriðju lönd, yfirráðasvæði eða hluta þeirra, þaðan sem leyfður er aðflutningur á tilteknum dýrum og nýju kjöti til Evrópusambandsins, og um kröfur varðandi heilbrigðisvottorð fyrir dýr og dýraafurðir (Stjtið. ESB L 73, 20.3.2010, bls. 1).

- 6) Lýðheilsuvottun trikínurannsóknarinnar ætti að fylgja heilbrigðisvottorðum fyrir dýr og dýraafurðir, sem fylgja nýju kjöti í samræmi við reglugerð (ESB) nr. 206/2010, unnum kjötvörum í samræmi við ákvörðun framkvæmdastjórnarinnar 2000/572/EB ⁽⁶⁾ og kjötafurðum í samræmi við ákvörðun framkvæmdastjórnarinnar 2007/777/EB ⁽⁷⁾.
- 7) Tilvísunarrannsóknarstofa ESB fyrir rannsóknir á sníklum hefur mælt með því að texti reglugerðarinnar (EB) nr. 2075/2005 verði gerður skýrari í tengslum við verklagsreglur fyrir tiltekna, jafngildar aðferðir fyrir trikínuprófun. Að auki fullgilti tilvísunarrannsóknarstofa Evrópusambandsins nýja aðferð (PrioCHECK® Trichinella AAD KIT) til greiningar á trikínu í kjöti alisvína. Því ætti að heimila þá aðferð til prófunar á þessari tegund.
- 8) Því ber að breyta reglugerð (EB) nr. 2075/2005 til samræmis við það.
- 9) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fóður.

SAMÞYKKT REGLUGERÐ ÞESSA:

1. gr.

Reglugerð (EB) nr. 2075/2005 er breytt sem hér segir:

- 1) Í stað 2. gr. komi eftirfarandi:

„2. gr.

Taka sýna úr skrokkum

1. Taka skal sýni úr skrokkum alisvína í sláturhúsum sem hluta af skoðun eftir slátrun á eftirfarandi hátt:
 - a) allir skrokkar af gyltum til undaneldis og göltum eða a.m.k. 10% skrokka af dýrum sem send eru til slátrunar á ári hverju frá öllum búum, sem eru opinberlega viðurkennd sem bú sem beita hýsingu við stýrð skilyrði, skulu rannsakaðir með tilliti til trikínu,
 - b) allir skrokkar frá búum, sem eru ekki opinberlega viðurkennd sem bú sem beita hýsingu við stýrð skilyrði, skulu rannsakaðir kerfisbundið með tilliti til trikínu.

Taka skal sýni úr hverjum skrokki og rannsaka það með tilliti til trikínu á rannsóknarstofu, sem lögbært yfirvald tilnefnir, með einni af eftirfarandi greiningaraðferðum:

- a) tilvísunargreiningaraðferðinni sem sett er fram í I. kafla I. viðauka eða
- b) jafngildri greiningaraðferð sem sett er fram í II. kafla I. viðauka.

2. Taka skal sýni kerfisbundið úr skrokkum hrossa, villisvína og annarra dýrategunda, alinna og villtra, sem eru næmar fyrir trikínusmiti, í sláturhúsum eða starfsstöðvum sem meðhöndla veiðidýr, sem hluta af skoðun eftir slátrun.

Taka skal sýni úr hverjum skrokki og rannsaka það í samræmi við I. og III. viðauka á rannsóknarstofu sem lögbært yfirvald tilnefnir.

⁽⁶⁾ Ákvörðun framkvæmdastjórnarinnar 2000/572/EB frá 8. september 2000 um skilyrði varðandi heilbrigði dýra og lýðheilsu og útgáfu heilbrigðisvottorða fyrir dýr og dýraafurðir vegna innflutnings á unnum kjötvörum frá þriðju löndum til Bandalagsins (Stjtið. EB L 240, 23.9.2000, bls. 19).

⁽⁷⁾ Ákvörðun framkvæmdastjórnarinnar 2007/777/EB frá 29. nóvember 2007 um skilyrði varðandi heilbrigði dýra og manna og fyrirmyndir að vottorðum vegna innflutnings frá þriðju löndum á tilteknum kjötafurðum og meðhöndluðum mögum, þvagblöðrum og þörmum til mannelis og um niðurfellingu á ákvörðun 2005/432/EB (Stjtið. ESB L 312, 30.11.2007, bls. 49).

3. Þar til niðurstöður liggja fyrir úr trikinurannsókninni og að því tilskildu að stjórnandi matvælafyrirtækisins ábyrgist fullan rekjanleika er heimilt að stykkja slíka skrokka af alisvínum og hrossum í sex hluta hið mesta í sláturhúsi eða stykkjunarstöð sem er á sama athafnasvæði.

Þrátt fyrir ákvæði fyrstu undirgreinar og í kjölfar samþykkis lögbærs yfirvalds er heimilt að stykkja skrokkana í stykkjunarstöð, hvort sem hún er tengd eða aðskilin sláturhúsinu, að því tilskildu að:

- a) það sé gert undir eftirliti lögbærs yfirvalds,
 - b) hver skrokkur eða hluti hans endi ekki á fleiri en einni stykkjunarstöð,
 - c) stykkjunarstöðin sé innan yfirráðasvæðis aðildarríkisins og
 - d) allir hlutar skrokksins séu dæmdir óhæfir til manneldis ef niðurstöðurnar reynast jákvæðar.“
- 2) Í stað 13. gr. komi eftirfarandi:

„13. gr.

Heilbrigðiskröfur við innflutning

1. Aðeins er heimilt að flytja kjöt, sem inniheldur rákótta vöðva, af dýrategundum sem kunna að bera með sér trikinusmit inn til Sambandsins ef kjötið hefur verið rannsakað með tilliti til trikinu, í samræmi við 2. eða 3. gr., fyrir útflutning í því þriðja landi þar sem dýrunum var slátrað.

2. Þriðja landi er einungis heimilt að beita undanþágunum, sem kveðið er á um í 2. og 3. mgr. 3. gr., ef það hefur tilkynnt framkvæmdastjórninni um beitingu þessara undanþága og ef það er skráð í þeim tilgangi:

- i. í 1. hluta I. viðauka við reglugerð (ESB) nr. 206/2010 vegna innflutnings á lifandi alisvínum, eða
 - ii. í 1. hluta II. viðauka við reglugerð (ESB) nr. 206/2010 vegna innflutnings á nýju kjöti af alisvínum,
 - iii. í 2. hluta II. viðauka við ákvörðun 2007/777/EB vegna innflutnings á kjötafurðum, sem eru eingöngu framleiddar úr kjöti eða kjötafurðum af alisvínum.“
- 3) Í stað 15. gr. komi eftirfarandi:

„15. gr.

Skjöl

1. Í fyrirmynd að heilbrigðisvottorði fyrir viðskipti innan Sambandsins með lifandi alisvín, sem sett er fram í fyrirmynd 2 í viðauka F við tilskipun 64/432/EBE, skal opinber dýralæknir láta fylgja upplýsingar um opinbera viðurkenningu á upprunabúi sem búi sem beitir hýsingu við stýrð skilyrði, eins og kveðið er á um í 8. gr. þessarar reglugerðar.

2. Í fyrirmynd að heilbrigðisvottorði fyrir innflutning á alisvínum til Sambandsins, sem sett er fram í fyrirmyndunum POR-X og POR-Y í 2. hluta I. viðauka við reglugerð (ESB) nr. 206/2010, skal opinber dýralæknir láta fylgja upplýsingar um opinbera viðurkenningu lögbærs yfirvalds þriðja lands á upprunabúi sem búi sem beitir hýsingu við stýrð skilyrði, sem er jafngild þeim sem kveðið er á um í IV. viðauka við þessa reglugerð.

3. Í heilbrigðisvottorðinu fyrir dýr og dýraafurðir í samræmi við fyrirmyndirnar „POR“, sem settar eru fram í 2. hluta II. viðauka við reglugerð (ESB) nr. 206/2010, sem fylgir vörusendingum af kjöti sem ætlað er til innflutnings til Sambandsins frá þriðju löndum, skal opinber dýralæknirinn láta fylgja lýðheilsuvottun um rannsókn með tilliti til trikinu, sem er framkvæmd í samræmi við 13. gr. þessarar reglugerðar, í þriðja landinu sem er upprunaland kjötsins.

4. Í dýraheilbrigðis- og lýðheilsuvottorðinu, en fyrirmynd að því er sett fram í II. viðauka við ákvörðun 2000/572/EB, sem fylgir vörusendingum af unnum kjötvörum sem ætlaðar eru til innflutnings til Sambandsins frá þriðju löndum, skal opinber dýralæknirinn láta fylgja lýðheilsuvottun um rannsókn með tilliti til trikinu, sem er framkvæmd í samræmi við 13. gr. þessarar reglugerðar, í þriðja landinu sem er upprunaland kjötsins.

5. Í dýraheilbrigðis- og lýðheilsuvottorðinu, en fyrirmynd að því er sett fram III. viðauka við ákvörðun 2007/777/EB, sem fylgir vörusendingum af tilteknum kjötafurðum og meðhöndluðum mögum, þvagblöðrum og görnum, sem ætluð eru til innflutnings til Sambandsins frá þriðju löndum, skal opinber dýralæknirinn láta fylgja lýðheilsuvottun um rannsókn með tilliti til trikinu, sem er framkvæmd í samræmi við 13. gr. þessarar reglugerðar, í þriðja landinu sem er upprunaland kjötsins.“

- 4) Í stað IV. mgr. í 3. lið I. kafla I. viðauka komi eftirfarandi:

„IV. Aðferð til hreinsunar- og afmengunar eftir jákvæðar eða vafasamar niðurstöður

Ef rannsókn á safnsýni eða stöku sýni gefur jákvæðar eða vafasamar niðurstöður skal allt efni sem hefur komist í snertingu við kjöt (blanderaskál og -hnífur, bikarglas, hræripinni, hitaskynjari, keilulaga síunartrekt, sigti og töng) vandlega afmengað með því að þvo það í volgu vatni (65–90 °C). Mælt er með því að skola hvern hlut vandlega til að fjarlægja allt þvotta- og hreinsiefni, ef þvotta- og hreinsiefni eru notuð við þvott.“

- 5) Í stað IV. mgr. í 3. lið D-hluta II. kafla I. viðauka komi eftirfarandi:

„IV. Aðferð til hreinsunar- og afmengunar eftir jákvæðar eða vafasamar niðurstöður

Ef rannsókn á safnsýni eða stöku sýni gefur jákvæðar eða vafasamar niðurstöður í latexkekkjun skal allt efni sem hefur komist í snertingu við kjöt (blanderaskál og -hnífur, stautur, bikarglas, hræripinni, hitaskynjari, keilulaga síunartrekt, sigti og töng) vandlega afmengað með því að bleyta það í nokkrar sekúndur í volgu vatni (65–90 °C). Leifar af kjöti eða lifur, sem hafa verið gerðar óvirkar og kunna að vera eftir á yfirborðinu, skulu fjarlægðar með hreinum svampi og kranavatni. Ef þörf krefur er hægt að bæta nokkrum dropum af þvotta- og hreinsiefni við til að fituhreinsa búnaðinn. Síðan er mælt með því að skola hvern hlut vandlega til að fjarlægja allan vott af þvotta- og hreinsiefni.“

- 6) Í II. kafla I. viðauka bætist eftirfarandi E-hluti við:

„E. **Gervimeltingarprófun (e. *artificial digestion test*) til greiningar í glasi á trikínulirfum í kjötsýnum, PrioCHECK® Trichinella AAD Kit.**

Þessi aðferð telst einungis jafngild við prófun á kjöti af alisvínnum

Nota skal PrioCHECK® *Trichinella* AAD Kit samkvæmt notendahandbókinni með settinu og nota skiltrektir (Lenz NS 29/32) og tilraunaglas úr gleri sem tekur 80 ml.“

- 7) Í stað g- j-liðar í A-hluta I. kafla IV. viðauka komi eftirfarandi:

„g) stjórnandinn skal tryggja að alisvínin séu auðkennd svo að rekja megi hvert dýr aftur til búsin,

h) stjórnandinn skal tryggja að einungis sé komið með alisvín á búið ef þau eru upprunnin í og koma frá búum sem hafa verið opinberlega viðurkennd sem bú sem beita hýsingu við stýrð skilyrði,

i) ekkert alisvínanna hefur aðgang að aðstöðu utandyra nema stjórnandi geti sýnt lögbæru yfirvaldi fram á það á fullnægjandi hátt með áhættugreiningu að tímabil, aðstaða og aðstæður í tengslum við aðgang að útisvæðum skapi ekki hættu á aðflutningi trikinu á búið,

j) ekkert svínanna til undaneldis og framleiðslu, eins og skilgreint er í c-lið 2. mgr. 2. gr. tilskipunar 64/432/EBE, hefur, eftir að það hefur yfirgefið upprunabúið, verið affermt á söfnunarstöð, eins og skilgreint er í o-lið 2. mgr. 2. gr. tilskipunar 64/432/EBE, nema söfnunarstöðin uppfylli kröfurnar í a- til i-lið í þessum hluta og öll alisvín, sem er safnað saman í sendingar á söfnunarstöðinni, eru upprunnin í og koma frá búum sem hafa verið opinberlega viðurkennd sem bú sem beita hýsingu við stýrð skilyrði eða frá opinberlega viðurkenndum hólfulum.“

2. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 21. október 2014.

Fyrir hönd framkvæmdastjórnarinnar,

forseti.

José Manuel BARROSO

FRAMKVÆMDARREGLUGERÐ FRAMKVÆMDASTJÓRNARINNAR
(ESB) 2015/38

2015/EES/46/32

frá 13. janúar 2015

um leyfi fyrir blöndu með *Lactobacillus acidophilus* CECT 4529 sem fôðuraukefni fyrir varphænur og um breytingu á reglugerð (EB) nr. 1520/2007 (leyfishafi er Centro Sperimentale del Latte) (*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 1831/2003 frá 22. september 2003 um aukefni í fôðri ⁽¹⁾, einkum 2. mgr. 9. gr.,

og að teknu tilliti til eftirfarandi:

- 1) Í reglugerð (EB) nr. 1831/2003 er kveðið á um veitingu leyfa fyrir aukefnum til notkunar í fôður ásamt forsendum og málsmeðferð við slíka leyfisveitingu. Í 10. gr. þeirrar reglugerðar er kveðið á um endurmat á aukefnum sem eru leyfð samkvæmt tilskipun ráðsins 70/524/EBE ⁽²⁾.
- 2) Blanda með *Lactobacillus acidophilus* CECT 4529 var leyfð án tímamarka, í samræmi við tilskipun 70/524/EBE, sem fôðuraukefni fyrir varphænur með reglugerð framkvæmdastjórnarinnar (EB) nr. 1520/2007 ⁽³⁾. Blandan var síðan færð inn í skrána yfir fôðuraukefni sem fyrirliggjandi vara í samræmi við b-lið 1. mgr. 10. gr. reglugerðar (EB) nr. 1831/2003.
- 3) Í samræmi við 2. mgr. 10. gr. reglugerðar (EB) nr. 1831/2003, í tengslum við 7. gr. þeirrar reglugerðar, var lögð fram umsókn um endurmat á blöndu með *Lactobacillus acidophilus* CECT 4529 sem fôðuraukefni fyrir varphænur og, í samræmi við 7. gr. þeirrar reglugerðar, um nýja notkun í drykkjarvatn og óskað eftir að aukefnið yrði sett í aukefnaflokkinn „dýraræktaraukefni“. Umsókninni fylgdu upplýsingar og skjöl sem krafist er skv. 3. mgr. 7. gr. reglugerðar (EB) nr. 1831/2003.
- 4) Matvælaöryggisstofnun Evrópu (hér á eftir nefnd Matvælaöryggisstofnunin) komst að þeirri niðurstöðu í álitinu frá 1. júlí 2014 ⁽⁴⁾ að við tillögð notkunarskilyrði hafi blanda með *Lactobacillus acidophilus* CECT 4529 ekki skaðleg áhrif á heilbrigði dýra eða manna eða á umhverfið. Matvælaöryggisstofnunin komst einnig að þeirri niðurstöðu að notkun blöndunnar geti hugsanlega aukið varp og bætt hlutfallið á milli fôðurs og eggjamassa. Hún taldi að niðurstöðurnar séu óháðar íkomuleið, að því tilskildu að váhrifin af völdum drykkjarvatns séu þau sömu og frá sambærilegum skammt í fôðri. Matvælaöryggisstofnunin telur að ekki sé þörf á sértækum kröfum um vöktun að lokinni setningu á markað. Í álitinu er einnig staðfest skýrsla um aðferðir til að greina fôðuraukefnið í fôðri sem tilvísunarrannsóknarstofan, sem sett var á stofn með reglugerð (EB) nr. 1831/2003, lagði fram.
- 5) Mat á blöndu með *Lactobacillus acidophilus* CECT 4529 sýnir að skilyrðin fyrir leyfinu, sem kveðið er á um í 5. gr. reglugerðar (EB) nr. 1831/2003, eru uppfyllt. Til samræmis við það ber að leyfa notkun þessarar blöndu eins og tilgreint er í viðaukanum við þessa reglugerð.
- 6) Af veitingu nýs leyfis samkvæmt reglugerð (EB) nr. 1831/2003 leiðir að breyta ber reglugerð (EB) nr. 1520/2007 til samræmis við það.
- 7) Þar eð ekki er gerð krafa um tafarlausu beitingu á breytingum á skilyrðunum fyrir leyfinu af öryggisástæðum þykir rétt að heimila umbreytingartímabil fyrir hagsmunaaðila svo þeir geti búið sig undir að uppfylla nýjar kröfur sem fylgja leyfinu.

(*) Þessi ESB-gerð birtist í Stjtið. ESB L 8, 14.1.2015, bls. 4. Hennar var getið í ákvörðun sameiginlegu EES-nefndarinnar nr. 81/2015 frá 30. apríl 2015 um breytingu á I. viðauka (Heilbrigði dýra og plantna) við EES-samninginn, bíður birtingar.

⁽¹⁾ Stjtið. ESB L 268, 18.10.2003, bls. 29.

⁽²⁾ Tilskipun ráðsins 70/524/EBE frá 23. nóvember 1970 um aukefni í fôðri (Stjtið. EB L 270, 14.12.1970, bls. 1).

⁽³⁾ Reglugerð framkvæmdastjórnarinnar (EB) nr. 1520/2007 frá 19. desember 2007 um varanlegt leyfi fyrir tilteknum aukefnum í fôðri (Stjtið. ESB L 335, 20.12.2007, bls. 17).

⁽⁴⁾ *Tíðindi Matvælaöryggisstofnunar Evrópu* 2014 12(7), 3789.

- 8) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fóður.

SAMÞYKKT REGLUGERÐ ÞESSA:

1. gr.

Leyfi

Blandan, sem tilheyrir aukefnaflokknum „dýraræktaraukefni“ og virka hópnum „þarmaflórustöðgarar“ og er tilgreind í viðaukanum, er leyfð sem aukefni í fóður með þeim skilyrðum sem mælt er fyrir um í þeim viðauka.

2. gr.

Breytingar á reglugerð (EB) nr. 1520/2007

Reglugerð (EB) nr. 1520/2007 er breytt sem hér segir:

- 1) Ákvæði 4. gr. falli brott.
- 2) Ákvæði IV. viðauka falli brott.

3. gr.

Umbreytingarráðstafanir

Blönduna, sem er tilgreind í viðaukanum, og fóður sem inniheldur blönduna, sem eru framleidd og merkt fyrir 3. september 2015 í samræmi við reglur sem voru í gildi fyrir 3. mars 2015, má áfram setja á markað og nota þar til birgðir eru uppnar.

4. gr.

Gildistaka

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 13. janúar 2015.

Fyrir hönd framkvæmdastjórnarinnar,

Jean-Claude JUNCKER

forseti.

VIÐAUKI

Kenninúmer aukefnis	Nafn leyfishafa	Aukefni	Samsetning, efniformúla, lýsing, greiningaraðferð	Tegund eða flokkur dýra	Hámarks- aldur	Lágmarks- innihald	Hámarks- innihald	Lágmarks- innihald	Hámarks- innihald	Önnur ákvæði	Leyfi rennur út
						Pyppingafjöldi (CFU)/ kg heilföðurs með 12% rakainnihald	CFU/l drykkjarvats				
Flokkur dýraræktaraukefna. Virkur hópur: þarmaflórustöðugarar.											
4b1715	Centro Sperimentale del Latte	<i>Lactobacillus acidophilus</i> CECT 4529	Samsetning aukefnis: Blanda með <i>Lactobacillus acidophilus</i> CECT 4529 sem inniheldur að lágmarki: 5x10 ¹⁰ CFU/g aukefnis (fast form). Lýsing á eiginleikum virka efnisins: Lífvænlegar frumur <i>Lactobacillus acidophilus</i> CECT 4529. Greiningaraðferð (¹) Ákvörðun á heildarfjölda: dreifingaraðferð (EN 15787). Samgreining: Raðráttur á geli í púlssviði (PFGE).	Varpþænur	–	1 x 10 ⁹	–	5 x 10 ⁸	–	1. Í notkunarleiðbeiningum með aukefninu, forblöndunni og föðurblöndunni skal tilgreina geymsluskilyrði, kögglafestu og stöðugleika í drykkjarvatni. 2. Vardandi öryggi: við meðhöndlun skal nota öndunarvörn. 3. Við notkun aukefnisins í drykkjarvatni skal tryggja einsleita dreifingu aukefnisins.	3. mars 2025

(¹) Upplýsingar varðandi greiningaraðferðirnar eru fánlegar á eftirfarandi slóð tilvísunarrannsóknarstofu Evrópusambandsins fyrir föðuruakefni: <https://ec.europa.eu/jrc/en/eur/food-additives/evaluation-reports>